

西豐縣志序

戊寅夏余主省政三年矣適西豐縣志成曹縣長肇元請序於予曰我新邦肇建首重文獻而潤色鴻業精不厭詳苟無縣志之輯將何以考制度稽典章察民物觀風俗乎是志辛未春經馮前縣長廣民因原有稿本着手編纂粗具規模未及歲事迨黃前縣長蒞任於客冬重加編修亦未竣而遷稽肇元繼任賡續迄今始獲觀成請錫序文以示勉予曰縣志之爲書實國家文獻之所寄也秉筆者當據事直書信以傳信敘述又當有系統有條理凡一縣之山川田賦交通產物風俗文化人望等均宜一一瞭如指掌其紀事之詳畧述言之誠僞體制之乖合文詞之優劣關係地方掌

故至重且鉅縣長爲民之父母如於縣之事故沿革無籍可稽其
何以洞察治理因仍損益耶今是志之成紀述翔實典贍美備其
有裨於縣治足徵文獻概可知矣行將付梓因循其請而爲之序

康德五年戊寅夏五月

奉天省長葆康

西豐縣志序


古者史掌於王官司其事者多世其守自鄭書晋乘魯史秦記而國各有史遂爲地方史之濫觴然如南董左氏之流固猶出於一家之說史之疆圻未甚分也自茲厥後世故繁興一家之說不足以周盡事物之情於是作者並起分途揚鑣譬如今木區以別矣前人有謂論一時之事紀傳不如編年論一人之事編年不如紀傳而吾則謂記一方之事者正史不如輿志斯蓋時會之所使然抑亦人文嬗進之明徵也歟古地方志之存於今者當以唐之元和郡縣志爲最古而宋之太平寰宇記次之明清以還各省有通志而縣志實爲之基修國史者必考之省縣志所以昭翔實信今

而行遠也西豐之爲縣闢建雖晚而設治固有年矣以所聞舊志
有藁本未得寓於目其善焉與否無所據以爲斷要之其爲未成
之書則無疑也自歷任縣長馮君廣民子安創議修之黃君式叙
黎雍踵而爲之皆在未及梓而受代曹君肇元鼓晨以客歲由省
遷宰斯邑惜前志之未伸恐舊事之遂湮也因復委人編纂釐訂
凡六閱月而殺青有日間序於予予也公務鞅掌於史人非專門
之學豈敢以當皇甫之任哉抑所知者志固史之流而其難爲也
乃倍於史史以備一代之大典其事蹟皆甚彰著又多所依據志
書之作地不出於方域之內而體例兼乎衆史之長凡故老遺聞
土俗方物皆在採訪其商榷去取之間自非明於世故達於治體

者弗能爲也曹君於省爲能吏於縣爲賢宰吾知其於是書也必審覈考較盡求其適以冥合馮黃二君之志於以見成之難而傳之久也蓋可知矣其有裨於國家之治理又豈僅拾前人之餘緒發思古之幽情而已哉爰爲之序

康德戊寅初夏

奉天省民生廳長王允卿識



西豐縣志卷首目錄

吉林省長序

竹內省次長題詞

王民生廳長序

曹實業廳長題詞

曹縣長序

黃縣長序

田邊副縣長序

張科長序

張科長序

袁科長序

夏科長序

原修縣志序

現修縣志序

曹縣長玉照

黃縣長玉照

田邊副縣長玉照

梁田參事官玉照

大塚科長玉照

張科長玉照

袁科長玉照

張科長玉照

現修縣志人員合影

西豐縣署廳舍寫眞

西豐公園寫眞

西豐公園紀念碑寫眞

西豐文廟寫眞

馮縣長德政碑寫眞

西豐義倉寫眞

西豐縣開豐車站寫眞

西豐神樹碑廟全景寫眞

西豐神樹清碑寫眞

西豐大營村馬神廟寫眞

西豐城子山古城全景寫眞

圖三

西豐城北山猴石寫眞

西豐官立醫院寫眞

西豐縣立圖書館寫眞

西豐城廂警察署寫眞

西豐農民修練所寫眞

西豐縣立濟善堂寫眞

圖二

西豐電報局寫真

西豐商會寫真

建國宣言

即位詔書

回鑾訓民詔書

例言


原修縣志人員題名錄

現修縣志人員題名錄

西豐縣地域全圖

西豐縣街市全圖

西豐縣署平面圖
西豐縣立濟善堂平面圖



序

歲序遞嬗而天地之萬物依時以成世事變遷而國家之政治亦隨時以進前乎因者後乎繼精於始者善於終故必通權達變因時制宜方能建其奇功收其成效若故步自封仍守舊轍非惟與國體政體之鼎新有所刺謬且恐於地方行政或者當因或者當革必不能適當圓滑攸往咸宜足以顯當時而貽後世是故商因於夏周因於商遞次相觀後先相較記言記事各設專官其於因革損益斟酌盡善以著成一代之信史而有縣者亦何莫不然乎此縣志之修所以不容緩也西豐縣志於民國時代經蕭縣長德潤創修於前馮縣長廣民潤色於後煌煌鉅製燦爛可觀固已規。

模宏遠綱舉目張矣但以滿洲肇造王道大興政體與治功已前後迥不相同苟不及時編修求其適用必不免有削足就屢之虞果何以資考鏡以示將來耶予於康德四年冬奉省檄來宰西豐與副縣長田邊登公公餘之暇檢閱前卷始悉前縣長黃公黎雍與梁田參事官招集地方士紳與各科科長等協議詢謀僉同遂於客歲初冬延聘瀋陽名宿希君全刪主任編修並任周君雨亭贊襄其事因先前之原稿參此日之新知踵事增華彙成鉅製裝璜卷軸以推行於當時不意修未及半而黃縣長即移篆遼陽厥後參事官亦調任富錦格於時勢未得適觀厥成殊爲可憾所幸今年五月已竣其功舉凡政治之因革人事之代謝或沿其舊

或增其新罔弗各適其宜隨時釐定若夫物產之豐嗇風俗之厚薄人文之盛衰教育之良窳一展卷間皆縷析條分是非剖判即行之當時垂之後世亦必文獻足徵得失可據而爲一縣之實錄而無疑矣然則此志之功豈淺鮮哉茲者行將付梓丐序於予予不敏僅就管窺所見約畧言之蓋以縣志一書雖不與國史相同然而繼往開來守先待後其意一也嗟乎天時人事無百年不變之局土俗民情無終古不易之理後之視今亦猶今之視昔所賴大雅君子賡續以爲之庶此志之功垂於不朽是予所切望者也是爲序

康德五年 月 日

西豐縣志

西豐縣長曹肇元